

O'ZBEKISTON RESPUBLIKASI  
VAZIRLAR MAHKAMASINING  
QARORI



ПОСТАНОВЛЕНИЕ  
КАБИНЕТА МИНИСТРОВ  
РЕСПУБЛИКИ УЗБЕКИСТАН

« 13 » ноябрь 2018 у.

№ 924

Toshkent sh.

**Ўзбекистон давлат жисмоний тарбия ва спорт университетининг  
Нукус филиалини ташкил этиш тўғрисида**

Қорақалпоғистон Республикасида жисмоний тарбия ва спортни оммалаштириш, аҳоли, айниқса, ёшлар ўргасида соғлом турмуш тарзини тарғиб қилиш учун зарур шарт-шароитлар яратиш, халқаро спорт мусобақаларида иштирок этадиган ёшларни тайёрлаш мақсадида Вазирлар Маҳкамаси қарор қиласди:

1. Ўзбекистон Республикаси Жисмоний тарбия ва спорт вазирлиги, Олий ва ўрта маҳсус таълим вазирлиги, Иқтисодиёт вазирлиги, Молия вазирлиги ва Қорақалпоғистон Республикаси Вазирлар Кенгашининг Ўзбекистон давлат жисмоний тарбия ва спорт университетининг Нукус филиалини (кейинги ўринларда Филиал деб аталади) ташкил этиш тўғрисидаги таклифига розилик берилсин.

2. Куйидагилар Филиалнинг асосий вазифалари этиб белгилансин:

спорт фаолияти, жисмоний тарбия ва спорт менежменти, мактабгача ва бошланғич таълимда жисмоний тарбия ва спорт, психология (спорт) таълим йўналишлари бўйича юкори малакали кадрларни халқаро стандартлар даражасида сифатли тайёрлашни таъминлаш;

хизматлар ва соғломлаштириш тармоқларини ривожлантиришнинг илмий-технологик вазифаларини ҳал этишга, илғор хорижий тажрибадан фойдаланган ҳолда спорт соҳасига йўналтирилган илмий-амалий тадқиқотларни олиб бориш ва ишланмаларни амалга ошириш;

ўқув ва илмий лойиҳаларни амалга ошириш, таълим ва илмий изланишлар жараёнига мутахассисларни кенг жалб этиш мақсадида ишлаб чиқариш ва қайта ишлаш соҳаларидаги республика ва хорижий етакчи олий таълим муассасалари ва илмий марказлар билан ҳамкорлик алоқаларини ривожлантириш;

республика ва хорижий олий таълим муассасалари ҳамда илмий марказларга истиқболли ёш битириувчиларни магистратура ва докторантурага мунтазам юбориш орқали Филиалнинг илмий-педагогик салоҳиятини ошириб бориш.

### 3. Куйидагилар:

Ўзбекистон давлат жисмоний тарбия ва спорт университети Нукус филиалининг тузилмаси 1-иловага мувофиқ;

Ўзбекистон давлат жисмоний тарбия ва спорт университетининг Нукус филиалида бакалаврлар тайёрлаш бўйича таълим йўналишлари рўйхати 2-иловага мувофиқ тасдиқлансан.

Ўзбекистон давлат жисмоний тарбия ва спорт университети ректорига, зарурат бўлганда, Ўзбекистон Республикаси Жисмоний тарбия ва спорт вазирлиги билан келишган ҳолда ходимларнинг белгиланган штатдаги ходимлари сони ва меҳнатга ҳақ тўлаш фонди доирасида Филиал тузилмасига ўзгартиришлар киритиш хукуқи берилсин.

4. Белгилансинки, Филиал Ўзбекистон давлат жисмоний тарбия ва спорт университетининг юридик шахс мақомига эга бўлган таркибий бўлинмаси ҳисобланиб, Ўзбекистон Республикаси Давлат герби тасвири туширилган ва ўз номи давлат тилица ёзилган муҳрга ва бланкаларга, мустақил балансга ҳамда Ўзбекистон Республикаси Молия вазирлигининг Газначилигида шахсий ҳисобварагларига эга бўлади.

5. Ўзбекистон Республикаси Иктисодиёт вазирлиги 2019/2020 ўкув йилида Ўзбекистон Республикаси олий таълим муассасаларига ўқишга қабул қилиш квоталарини ишлаб чиқишида Филиалга 50 нафар талаба қабул қилинишини назарда тутсин.

2020/2021 ўкув йилидан бошлиб Филиалга талabalарни қабул қилиш сони белгиланган тартибда ҳар йили тасдиқланадиган республика олий таълим муассасаларига ўқишга қабул қилиш квоталаридан келиб чиқсан ҳолда белгилансин.

6. Ўзбекистон Республикаси Жисмоний тарбия ва спорт вазирлиги ҳамда Олий ва ўрта маҳсус таълим вазирлиги икки ҳафта муддатда:

Филиалнинг устави ишлаб чиқилиши ва тасдиқланишини, шунингдек, унинг белгиланган тартибда давлат рўйхатидан ўтказилишини;

Филиалнинг олий таълим ва илмий-тадқиқот муассасалари, спорт ташкилотлари ва спорт федерациялари (уюшмалари)да катта амалий тажрибага эга бўлган мутахассислардан иборат юқори малакали кадрлар билан тўлдирилишини;

Филиал учун мослаштирилган ўкув режалари ва дастурлари ишлаб чиқилиши ва тасдиқланишини;

Филиалда ўкув-методик жараённи самарали ташкил этиш бўйича аниқ чора-тадбирлар амалга оширилишини таъминласинлар.

7. Қорақалпоғистон Республикаси Вазирлар Кенгashi ҳамда Олий ва ўрта маҳсус таълим вазирлигининг Нукус шаҳар, Қорақалпоғистон кўчаси, 24-й манзилида жойлашган Нукус спорт коллежининг бино ва иншоотларини тегишли ҳудуди билан биргаликда Филиалга оператив бошқариш хукуқи асосида бепул бериш тўғрисидаги таклифи маъқуллансан.

Қорақалпоғистон Республикаси Вазирлар Кенгаши ҳамда Олий ва ўрта махсус таълим вазирлиги зарурат бўлганда Филиалнинг тўлақонли фаолият юритиши учун уни қўшимча бино ва иншоотлар, ер майдонлари билан таъминлаш чораларини кўрсин.

Белгилаб қўйилсинки, Нукус спорт коллежи ўқувчилари ўқишни битиргунларига қадар Филиал биноларида ўқув жараёнини давом эттирадилар.

8. Қорақалпоғистон Республикаси Вазирлар Кенгаши Филиалга хизмат сафарига юборилган педагоглар ва уларнинг оила аъзоларини педагоглар Филиалда ишлаган даврда турар жой билан таъминлаш, уларнинг фарзандларини мактабгача ва умумий ўрта таълим муассасаларига жойлаштириш бўйича комплекс чора-тадбирларни амалга оширсин.

9. Қуйидагилар Филиалнинг фаолиятини молиялаштириш манбалари этиб белгилансин:

Ўзбекистон Республикаси Давлат бюджети маблағлари;  
тўлов-контракт асосида ўқитишдан тушадиган маблағлар;  
хўжалик фаолиятидан ва шартнома асосида хизматлар кўрсатишдан тушадиган тушумлар;  
жисмоний ва юридик шахсларнинг ҳомийлик хайриялари;  
халқаро молия институтларининг грантлари;  
қонун хужжатларида тақиқланмаган бошқа манбалар.

10. Ўзбекистон Республикаси Молия вазирлиги:

Ўзбекистон Республикаси Давлат бюджетининг 2019 йил ва ундан кейинги йилларга мўлжалланган параметрларини шакллантиришда Филиални сақлаш харажатлари учун маблағлар ажратилишини назарда тутсин;

Филиалга 2 та, шу жумладан, 1 та шахсий ва 1 та навбатчи автотранспорт воситасини сақлашга лимит ажратилишини таъминласин.

11. Ўзбекистон Республикаси Инвестициялар бўйича давлат қўмитаси Жисмоний тарбия ва спорт вазирлигининг асосланган ҳисоб-китобларига биноан 2020 йил ва кейинги йиллар учун Ўзбекистон Республикасини ривожлантириш давлат дастурларини шакллантиришда Филиалнинг ўқув биносини реконструкция қилиш, янги спорт мажмуаси қуриш ва уларни жиҳозлаш бўйича лойиҳаларнинг белгиланган тартибда киритилишини назарда тутсин.

12. Ўзбекистон Республикаси Жисмоний тарбия ва спорт вазирлиги Ахборот технологиялари ва коммуникацияларини ривожлантириш вазирлиги билан биргалиқда бир ҳафта муддатда Филиалда ахборот ва мультимедиа ускуналари қўлланилган, шу жумладан, масофадан ўқитиши назарда тутган ҳолда замонавий таълим технологияларини жорий этиш чора-тадбирлари режасини ишлаб чиқсин ва тасдиқласин.

13. Ўзбекистон Республикаси Жисмоний тарбия ва спорт вазирлиги манфаатдор вазирликлар ва идоралар билан биргалиқда улар қабул қилган норматив-хуқуқий хужжатларни бир ой муддатда ушбу қарорга мувофиқлаштирун.

14. Мазкур қарорнинг бажарилишини назорат қилиш Ўзбекистон Республикаси Баш вазирининг ўринbosари А.А. Абдухакимов, Ўзбекистон Республикаси жисмоний тарбия ва спорт вазири Д.Х. Набиев ва Қорақалпогистон Республикаси Вазирлар Кенгачи Раиси К.Р. Сариев зиммасига юклансин.


Ўзбекистон Республикасининг  
Баш вазири

А. Арипов



Вазирлар Маҳкамасининг  
2018 йил “13” ноябр даги 924-сон қарорига  
1-илова

**Ўзбекистон давлат жисмоний тарбия ва спорт университети Нукус филиалининг  
ТУЗИЛМАСИ**



Изоҳ: Филиал (факультетлар, кафедралар ва бошка таркибий бўлинмалар) ходимларининг чекланган умумий сони олий таълим муассасалари учун белгиланган нормативларга мувофиқ белгиланади.

Вазирлар Маҳкамасининг  
2018 йил “13” ноябр даги 924-сон қарорига  
2-илова

**Ўзбекистон давлат жисмоний тарбия ва спорт университетининг  
Нукус филиалида бакалаврлар тайёрлаш бўйича таълим йўналишлари  
РЎЙХАТИ**

T/р	Йўналиш шифри	Таълим йўналиши
<b>2019/2020 ўқув йили учун</b>		
1.	5610514	Спорт фаолияти: бадиий гимнастика
2.	5610515	Спорт фаолияти: дзю-до
3.	5610501	Спорт фаолияти: баскетбол
4.	5610503	Спорт фаолияти: волейбол
5.	5610511	Спорт фаолияти: эшкак эшиш
6.	5610516	Спорт фаолияти: эркин кураш
7.	5112300	Мактабгача ва бошланғич таълимда жисмоний тарбия ва спорт
8.	5210202	Психология (спорт)
<b>2020/2021 ўқув йилидан бошлаб*</b>		
9.	5610502	Спорт фаолияти: бокс
10.	5610506	Спорт фаолияти: сузиш
11.	5610520	Спорт фаолияти: кураш
12.	5610513	Спорт фаолияти: футбол
<b>2021/2022 ўқув йилидан бошлаб*</b>		
13.	5610507	Спорт фаолияти: енгил атлетика
14.	5610510	Спорт фаолияти: оғир атлетика
15.	5610508	Спорт фаолияти: қўл тўпи
16.	5610538	Спорт фаолияти: юнон-рум кураши

*\*) 2020/2021 ва 2021/2022 ўқув йилидан бошлаб қўшимча равиида тегишили таълим йўналишлари назарда тутшлади.*

